

Çfarë është programi “Kurse para për kolegjin”?

Programi “Kurse para për kolegjin” NYC Kids RISE u ofron familjeve, shkollave dhe komuniteteve një mënyrë për të bashkëpunuar në kursimin dhe investimin për të ardhmen e fëmijëve të tyre.

Është një program bursash dhe kursimesh i krijuar për ta bërë më të lehtë më të aksesueshëm kolegjin dhe formimin profesional për nxënësit e shkollave publike. Programi u krijua që **çdo nxënës i shkollave publike të qytetit të Nju Jorkut** të mund të ëndërronjë më shumë, të sigurojë mjete financiare për kolegji dhe formim profesional dhe të mbështetet nga komuniteti përgjatë këtij rrugëtimi. NYC Kids RISE, një organizatë jofitimprurëse, menaxhon programin “Kurse para për kolegjin” në **bashkëpunim me shkollat publike të Nju Jorkut dhe qytetin e Nju Jorkut**.

Si funksionon programi?

Fëmijët e kualifikuar **regjistrohen automatikisht dhe përfitojnë një llogari bursash falas nga qyteti i Nju Jorkut (NYC Scholarship Account) me 100 dollarë në fillim**, përveç nëse prindërit ose kujdestarët e tyre vendosin të mos marrin pjesë dhe të tërhiqen nga programi. Familjet mund të përfitojnë **deri në 175 dollarë si shpërblim, duke ndjekur disa hapa**, dhe **komunitetet mund të mbështetin, duke kontribuar fonde shtesë** në disa prej llogarive të bursave përmes **bursave komunitare**. Fondet e mbledhura në llogarinë e bursave shkollore të qytetit të Nju Jorkut investohen në një llogari 529, e cila zotërohet dhe menaxhohet nga NYC Kids RISE në emër të nxënësve pjesëmarrës.

Pasi aktivizimit të Llogarisë së Bursës Shkollore të Qytetit të Nju Jorkut për fëmijën e tyre, familjet mund të hapin dhe lidhin një llogari të veçantë kursimi për kolegji ose formim profesional, të cilën e zotërojnë vetë për përfitimin e fëmijës së tyre. Më pas, ata mund të fillojnë të kursejnë para në mënyra dhe shuma që janë të përshtatshme për rrethanat e tyre financiare.

Kush mund të marrë pjesë?

Gjatë vitit shkollor 2025-2026, fëmijët nga **kopshti deri në klasën e katërt** në shkollat publike të qytetit të Nju Jorkut (duke përfshirë edhe shkollat charter pjesëmarrëse) mund të marrin pjesë në program, **pa marrë parasysh të ardhurat e familjes ose statusin e imigracionit**.

Meqë programi filloi si një projekt pilot në Zonën Shkollore Gjeografike 30 (School District 30) që nga viti 2017, çdo fëmijë nga kopshti deri në klasën e pestë në 39 shkollat pilot ka të drejtën e pjesëmarrjes.

Kur mund ta aktivizoj Llogarinë Falas të Bursës Shkollore të Qytetit të Nju Jorkut për fëmijën tim?

Fëmija im po nis për herë të parë kopshtin ose klasat 1-4 në një shkollë publike të qytetit të Nju Jorkut (ose në një shkollë charter pjesëmarrëse)

Ju mund ta aktivizoni dhe ta shikoni Llogarinë e Bursës Shkollore të Qytetit të Nju Jorkut për fëmijën tuaj në **janar 2026!** Shkolla juaj dhe NYC Kids RISE do t’ju njoftojnë kur llogaria e fëmijës suaj të jetë gati.

Nëse keni aktivizuar tashmë një Llogari të Bursës Shkollore të Qytetit të Nju Jorkut për një fëmijë tjetër, do të mund të identifikoheni sërish në “Gjurmuesin e kursimeve” (Savings Tracker) në nyckr.org/intro-login dhe të shtoni fëmijën tuaj të sapokualifikuar në janar.



Për momentin, mësoni më shumë rreth programit në nyckidsrise.org ose jini pjesë e një seance virtuale në nyckr.org/events-cal.

Fëmija im është aktualisht në klasën e 1-rë, 2-të, 3-të ose 4-të dhe ka ndjekur një shkollë publike të qytetit të Nju Jorkut (ose një shkollë charter pjesëmarrëse) gjatë vitit shkollor 2024-2025

Urime! Nëse nuk jeni tërhequr nga programi, fëmija juaj tashmë ka një llogari të bursave shkollore falas të qytetit të Nju Jorkut me një shumë **filltare prej 100 dollarësh** për kolegji dhe trajnime profesionale. Ndiqni hapat më poshtë për ta aktivizuar dhe parë llogarinë si dhe **për të përfituar një shpërblim shtesë prej 25 dollarësh**.



Vizitoni nyckr.org/st-register. Vendosni kodin postar të vendbanimit të fëmijës, datëlindjen dhe numrin e ID-së së nxënësit. Pastaj klikoni “Submit” (Dërgo). Mund të kërkonti ndihmë edhe nga shkolla juaj!

Pyetjet më të shpeshta

1. Për çfarë mund të përdoren paratë në Llogarinë e Bursës Shkollore të Qytetit të Nju Jorkut?

Paratë në Llogarinë e Bursës Shkollore të Qytetit të Nju Jorkut investohen në një llogari 529 dhe mund të përdoren për një sërë shpenzimesh për arsimin e lartë në çdo institucion të kualifikuar në SHBA dhe jashtë. Përveç kolegjeve dhe universiteteve tradicionale katërvjeçare, institucione të tjera të pranueshme përfshijnë: kolegjet komunitare, shkollat profesionale dhe teknike, programet e kualifikuara të praktikës së punës si dhe ato virtuale të diplomave. Fondet e bursës mund të përdoren për tarifat e shkollimit, tarifat e tjera akademike, pajisjet, disa shpenzime për strehim dhe ushqim dhe madje edhe për libra, të cilët shpesh nuk mbulohen nga bursa të tjera.

2. Si ndikon statusi im i imigracionit për të marrë pjesë në program?

Nuk ndikon! Të gjithë nxënësit e kualifikuar mund të marrin pjesë në programin "Kurse para për kolegjin" pavarësisht statusit të imigracionit. Familjet **nuk** kanë nevojë të japin numrin e sigurimeve shoqërore (SSN) ose numrin individual të identifikimit tatimor (ITIN) që fëmija i tyre të regjistrohet në program dhe të përfitojë një llogari bursash nga qyteti i Nju Jorkut.

3. Çfarë ndodh me llogarinë e bursës së fëmijës sime nëse largohemi nga distrikti aktual i shkollës para se fëmija të përfundojë shkollën e mesme?

Pasi fëmija juaj të jetë pajisur me një llogari bursash nga qyteti i Nju Jorkut, ai vazhdon ta përdorë atë llogari edhe nëse transferohet në çdo distrikt tjetër publik ose shkollë çarter brenda qytetit të Nju Jorkut. Fëmija juaj gjithashtu vazhdon të jetë i kualifikuar për të gjitha përfitimet që burojnë nga pjesëmarrja në program. Nëse fëmija juaj largohet nga

sistemi i shkollave publike të qytetit të Nju Jorkut, ai do të vazhdojë të mund të përdorë fondet që ndodhen tashmë në atë llogari, por nuk do të jetë më i kualifikuar për të fituar shpërblime të tjera.

4. Si ndikon zotërimi i një llogarie bursash shkollore të qytetit të Nju Jorkut në kualifikimin për fonde publike?

Duke qenë se llogaritë e bursave shkollore të qytetit të Nju Jorkut zotërohen dhe menaxhohen nga NYC Kids RISE, zotërimi i kësaj llogarie **nuk** ndikon në aplikimin e një nxënësi ose familjeje për fonde publike. Nëse një familje kursen para në llogarinë e vet të kursimeve për kolegji dhe karrierë, ai aset mund të ndikojë në disa përfitime të caktuara.

5. Si ndikon zotërimi i një llogarie të Bursës Shkollore të Qytetit të Nju Jorkut në kualifikimin për ndihmë financiare?

Pasi llogaritë e Bursës Shkollore të Qytetit të Nju Jorkut zotërohen dhe menaxhohen nga NYC Kids RISE, zotërimi i kësaj llogarie **nuk** ndikon në të drejtën e një nxënësi për të marrë ndihmë financiare, ndërkohë që paratë janë në llogari. Ndërsa fëmija juaj i afrohet kolegjit ose trajnimeve profesionale, NYC Kids RISE do të ofrojë më shumë informacion mbi mënyrën se si përdorimi i fondeve të llogarisë së bursës për arsimin e fëmijës tuaj mund të ndikojë ose jo në të drejtën për ndihmë financiare, pasi këto para të jenë shpenzuar. Mund të ndikojë ose jo. Nëse një familje kursen para në llogarinë e saj të kursimeve për kolegji dhe karrierë, këto kursime mund të ndikojnë në paketën e ndihmës financiare të studentit.



Për më shumë rreth programit "Kurseni para për kolegjin" dhe pyetje të tjera të shpeshta, ju lutemi vizitoni nyckr.org/faq.



Save for College Program

Keni pyetje?

Flisni me drejtuesit e shkollës së fëmijës tuaj ose kontaktoni NYC Kids RISE.